

ქ. თბილისი

2024 წ.

ერთი მხრივ,

შპს „საქართველოს აეროპორტების გაერთიანება“ (იურიდიული მისამართი: საქართველო, თბილისი, სამგორის რაიონი, შალვა ჭანკოტაძის ხეივანი, N21.; ს.კ N404 389 693) წარმოდგენილი მისი გენერალური დირექტორის მოვალეობის შემსრულებლის კონსტანტინე ქათამაძის სახით (შემდგომში „შემსყიდველი“) და

მეორე მხრივ,

შპს „როსტვერკი“ (მისამართი: საქართველო, ქ. წყალტუბო ტაბიძის I შეს. #4ბ; ს.კ. 421 268 050) წარმოდგენილი მისი დირექტორის ჯეირან ომანაძის სახით (შემდგომში „მიმწოდებელი“)

შპს „საქართველოს აეროპორტების გაერთიანების“ მიერ საქონლისა და მომსახურების შესყიდვის სპეციალური წესის დამტკიცების შესახებ საქართველოს მთავრობის 2022 წლის 16 სექტემბრის №465 დადგენილების მე-4 მუხლის მე-2 პუნქტის „ა“ ქვეპუნქტის საფუძველზე (დადგენილების დანართის №1 - აეროპორტის ინფრასტრუქტურის მოვლა-პატრონობის მუხლიდან მე-5 პუნქტით გათვალისწინებული შესყიდვის ობიექტი) და პრეტენდენტის - შპს „როსტვერკის“ წინადადების საფუძველზე, ელექტრონული პროცედურის (GEO240000005) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. შესყიდვის ობიექტს წარმოადგენს დავით აღმაშენებლის სახელობის ქუთაისის საერთაშორისო აეროპორტის ასაფრენ-დასაფრენი ზოლის შეკეთების სამუშაოები, თანდართული ელ.პროცედურის დოკუმენტაციის შესაბამისად.

2. ხელშეკრულების ფასი

2.1. ხელშეკრულების საერთო ღირებულება შეადგენს 799,999.88 (შვიდას ოთხმოცდაცხრამეტი ათას ცხრაას ოთხმოცდაცხრამეტი ლარი და 88 თეთრი) ლარს, დღგ-ს ჩათვლით. ხოლო პრეისკურანტის ღირებულება შეადგენს - 287.61 (ორას ოთხმოცდაშვიდი ლარი და 61 თეთრი) ლარს, დღგ-ს გარეშე. პრეისკურანტი თან დაერთვის წინამდებარე ხელშეკრულებას და წარმოადგენს მის განუყოფელ ნაწილს.

2.2. ხელშეკრულების საერთო ღირებულებაში შედის შესყიდვასთან და მიწოდებასთან დაკავშირებული ყველა ხარჯი, ასევე საქართველოს კანონმდებლობით დადგენილი გადასახადები (მათ შორის დღგ), რომელიც უნდა გადაიხადოს „მიმწოდებელმა“.

3. ხელშეკრულების განხორციელების ვადები და პირობები

3.1. სამუშაოები უნდა განხორციელდეს ეტაპობრივად შესყიდვის შესახებ ხელშეკრულების გაფორმებიდან 12 თვის განმავლობაში შემდეგ მისამართზე: დავით აღმაშენებლის სახელობის ქუთაისის საერთაშორისო აეროპორტი.

3.2. მიმწოდებელი მზად უნდა იყოს შპს „საქართველოს აეროპორტების გაერთიანების“ შეტყობინებიდან არაუგვიანეს სამი დღისა მოახდინოს მობილიზაცია და დაიწყოს სარემონტო სამუშაოები ასაფრენ დასაფრენ ზოლზე.

3.3. იმ შემთხვევაში თუ მიმწოდებლის მიერ დარღვეულ იქნება მიბილიზაციისა და სარემონტო სამუშაოების დაწყების ვადა, აღნიშნული განიხილება, როგორც ვალდებულების შეუსრულებლობა და შემსყიდველი ორგანიზაცია იტოვებს უფლებას ხელშეკრულების ნებისმიერ ეტაპზე შეწყვიტოს ხელშეკრულება.

4. შესყიდვის ობიექტის მიღება-ჩაბარების წესი

4.1. შესყიდვის ობიექტის მიღება ფაქტობრივად შესრულებული სამუშაოს შესაბამისად ფორმდება „მიღება-ჩაბარების“ აქტით. რის საფუძველზეც „მიმწოდებელი“ „შემსყიდველს“ წარუდგენს შესაბამის საგადასახადო ანგარიშ-ფაქტურას.

5. ანგარიშსწორების პირობები

5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი და წარმოდგენილი საგადასახადო ანგარიშ-ფაქტურა.

5.3. „მიმწოდებელთან“ ანგარიშსწორება ხორციელდება მე-5 მუხლის 5.2. პუნქტში განსაზღვრული პირობის

დასრულების შემდეგ 10 (ათი) სამუშაო დღის ვადაში.

5.4. ანგარიშსწორება მოხდება უნაღდო ანგარიშსწორებით ანგარიშსწორება განხორციელდება მიღება-ჩაბარების აქტის გაფორმების შემდეგ.

5.5. მიღება-ჩაბარების აქტის გაფორმებამდე მიმწოდებელმა შესრულებული სამუშაოების თაობაზე (ფორმა 2) უნდა წარმოადგინოს სსიპ „ლეკი სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული საექსპერტო ბიუროს მიერ გაცემული დასკვნა (დასკვნის აღებასთან დაკავშირებულ ყველა ხარჯს გაიღებს მიმწოდებელი, დასკვნის წარმოდგენის ვადა არ შედის სამუშაოს შესრულების ვადაში). დასკვნის შინაარსი გათვალისწინებული იქნება მიღება-ჩაბარების აქტის შედგენისა და ურთიერთანგარიშსწორების განსაზღვრისათვის, ასევე მიმწოდებელმა უნდა უზრუნველყოს შემსყიდველის წარმომადგენლის ჩართულობა საექსპერტო შემოწმების პროცესში. საექსპერტო ორგანიზაციამ უნდა განახორციელოს სამუშაოების მოცულობის და ხარისხის შემოწმება და დადასტურება. მიმწოდებელი ვალდებული იქნება, დამატებითი ანაზღაურების გარეშე გამოასწოროს დასკვნაში მითითებული შენიშვნები.

6. მხარეთა უფლებამოვალეობანი

6.1 „მიმწოდებელი“ ვალდებულია:

6.1.1 განახორციელოს ხარისხიანი მომსახურება ელექტრონული პროცედურის დოკუმენტაციით გათვალისწინებული პირობების შესაბამისად;

6.1.2 კეთილსინდისიერად შეასრულოს ნაკისრი ვალდებულება;

6.1.3 დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

6.1.4 დაიცვას ხელშეკრულებით და სატენდერო დოკუმენტაციით გათვალისწინებული ყველა პირობა;

6.1.5 უზრუნველყოს შემსყიდველისთვის ხელშეკრულების საგანთან დაკავშირებული ყველა დოკუმენტის მიწოდება ასეთის არსებობის შემთხვევაში;

6.1.6 გაიზიაროს პასუხისმგებლობა მიწოდებული მომსახურების დადგენილ სტანდარტებთან და ხარისხთან შესაბამისობაზე;

6.1.7 გამოვლენილი ნაკლი აღმოფხვრას საკუთარი ხარჯით;

6.1.8 შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ გადასცეს მოცემული ხელშეკრულებით გათვალისწინებული თავისი უფლება-მოვალეობები მესამე პირს;

6.1.9 პირადად განახორციელოს ხელშეკრულებით ნაკისრი ვალდებულებები;

6.1.10 მიმწოდებელი ვალდებულია დაემორჩილოს საავიაციო უშიშროების საერთაშორისო და ეროვნულ საკანონმდებლო და ნორმატიული აქტების მოთხოვნებს, ასევე საჭიროების შემთხვევაში ვალდებულია მიიღოს კონტროლირებადი და შეზღუდული დაშვების დაცულ ზონებში შესასვლელი საშუალებები და უზრუნველყოს პერსონალის საავიაციო უშიშროების საკითხებში მომზადება;

6.1.11 მიმწოდებელი ვალდებულია დაიცვას საავიაციო უშიშროების საერთაშორისო და ეროვნული კანონმდებლობით (სხვა მავალდებულებელი და სარეკომენდაციო აქტებით) დადგენილი მოთხოვნები და დაწესებული სტანდარტები, საავიაციო უზრუნველყოფის წესები. მიმწოდებელი ვალდებულია აეროპორტის/აეროდრომის ტერიტორიაზე დაიცვას საავიაციო უშიშროების უზრუნველყოფის წესები. საექვო პირის, საგნის, ნივთის, ნივთიერების დაფიქსირების შემთხვევაში, მიმწოდებელი ვალდებულია დაუყოვნებლივ აცნობოს აეროპორტის/აეროდრომის საავიაციო უშიშროების სამსახურს.

6.2 „შემსყიდველი“ ვალდებულია:

6.2.1 უზრუნველყოს მიმწოდებლისათვის საფასურის გადახდა ხელშეკრულების შესაბამისად;

6.2.2 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

6.3 „მიმწოდებელს“ უფლება აქვს:

6.3.1 ხელშეკრულების ფარგლებში მოითხოვოს საფასურის დროული და სრული ანაზღაურება.

6.4 „შემსყიდველს“ უფლება აქვს:

6.4.1 აწარმოოს ხელშეკრულების პირობების შესრულების მონიტორინგი;

6.4.2 არ მიიღოს უხარისხო შესრულება;

6.4.3 მოითხოვოს მიმწოდებლის მიერ ნაკისრი ვალდებულებების ჯეროვნად შესრულება;

6.4.4 შეწყვიტოს ხელშეკრულება წინამდებარე ხელშეკრულებით განსაზღვრული პირობების შესაბამისად;

7. ხელშეკრულების პირობების გადასინჯვა

7.1 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

7.3 ცვლილების მიმღები მხარე ვალდებულია განიხილოს შემოთავაზებული ცვლილება და წერილობითი პასუხით აცნობოს ცვლილების ინიციატორს თავისი პოზიციის შესახებ. აღნიშნულ ვადაში პასუხის გაუცემლობა ნიშნავს უარს ინიცირებულ ცვლილებებზე.

7.4 ხელშეკრულებაში ნებისმიერი ცვლილება უნდა გაფორმდეს წერილობითი ფორმით.

8. ხელშეკრულების შესრულების გარანტია

8.1. ელექტრონულ პროცედურაში გამოიყენება ხელშეკრულების შესრულების უზრუნველყოფის გარანტია, ხელშეკრულების ღირებულების 5%-ის ოდენობით, რომელიც გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულების ან ლიცენზირებული სადაზღვევო კომპანიის მიერ შემსყიდველთან შეთანხმებული ფორმის მიხედვით. არარეზიდენტის შემთხვევაში შესაძლებელია წარმოდგენილ იქნას შესაბამისი ქვეყნის საბანკო დაწესებულების მიერ გაცემული გარანტია, რომელიც დადასტურებული იქნება საქართველოს ეროვნული ბანკის ლიცენზირებული საბანკო დაწესებულების ან ლიცენზირებული სადაზღვევო კომპანიის მიერ.

8.2. ხელშეკრულების შესრულების უზრუნველყოფის გარანტიის მოქმედების ვადა სულ მცირე 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება და აღნიშნული შეფერხება არ არის გამოწვეული ფორს-მაჟორული გარემოებით, დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

9.2. შეტყობინების მიმღებმა მხარემ 2 (ორი) დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

9.3. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

9.4. იმ შემთხვევაში, თუ ხელშეკრულების პირობების შესრულების შეფერხების გამო მხარეები ხუთი დღის ვადაში ვერ შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე ხუთი დღის გასვლისთანავე მიმწოდებელს ეკისრება ხელშეკრულების გათვალისწინებული პირგასამტეხლო.

10. ფორს-მაჟორი

9.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოებებია: მიწისძვრა; წყალდიდობა; ხანძარი; ქარიშხალი; დიდთოვლობა; ნისლი; ტემპერატურის მკვეთრი ცვლილებები; ცენტრალური ენერგო მომარაგების (ბუნებრივი აირი, ელექტროენერგია) და ცენტრალური წყალმომარაგების შეწყვეტა მხარისგან დამოუკიდებელი მიზეზით; სამხედრო მოქმედებები; ეპიდემიები; გაფიცვები; სამთავრობო ორგანოების გადაწყვეტილებები ან მათი არარსებობა; ბლოკადა; ემბარგო; საკანონმდებლო აქტებში ცვლილებები, რომლებიც უშუალოდ ახდენენ გავლენას მხარეთა მიერ ნაკისრი ვალდებულებების შესრულებაზე.

9.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებზეც გავლენას არ ახდენენ ფორს-მაჟორული გარემოებები.

9.3 თუ ფორს-მაჟორული გარემოება გაგრძელდა 10 (ათი) დღეზე მეტ ხანს შემსყიდველი უფლებამოსილია ცალმხრივად შეწყვიტოს ხელშეკრულება.

11. ხელშეკრულების პირობების შეუსრულებლობა

- 11.1. ფორს-მაჟორული პირობების გარდა, ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების შეუსრულებელი ვალდებულების ღირებულების 0,1%-ის ოდენობით ყოველი ვადაგადაცილებული დღისათვის.
- 11.2. ფორს-მაჟორული პირობების გარდა, ხელშეკრულებით ნაკისრი ვალდებულებების არაჯეროვნად შესრულების შემთხვევაში შემსყიდველს ეკისრება პირგასამტეხლო ხელშეკრულების შეუსრულებელი ვალდებულების ღირებულების 0,1%-ის ოდენობით ყოველი ვადაგადაცილებული დღისათვის.
- 11.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 11.4. ამასთან, ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება ერთჯერადი ჯარიმა ხელშეკრულების ღირებულების 10%-ის ოდენობით.

12. ხელშეკრულების შეწყვეტა

- 12.1 ხელშეკრულება შეიძლება შეწყვეტილ იქნეს:
 - 12.1.1. ურთიერთვალდებულებების შესრულებით;
 - 12.1.2. მხარეთა შეთანხმებით;
 - 12.1.3. ცალმხირვად შემსყიდველის მიერ;
 - 12.1.4. საქართველოს მოქმედი კანონმდებლობით გათვალისწინებულ სხვა შემთხვევებში.
- 12.2. **ხელშეკრულება შემსყიდველის მიერ ცალმხირვად შეიძლება იქნას შეწყვეტილი თუ:**
 - 12.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - 12.2.2. მიმწოდებელი სისტემატიურად და/ან უხეშად არღვევს ხელშეკრულების პირობებს;
 - 12.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების (იგულისხმება ფორს-მაჟორული გარემოების არსებობა) გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების ნაწილობრივ ან სრულად შესრულებას;
 - 12.2.4. მიმწოდებლის მიმართ გადახდისუნარიანობის საქმის აღძვრის შემთხვევაში;
 - 12.2.5. შემსყიდველისათვის ცნობილი გახდება, რომ მიმწოდებლის მიერ ტენდერის დროს წარდგენილი საკვალიფიკაციო მონაცემების დამადასტურებელი დოკუმენტი/ები ყალბია;
 - 12.2.6. საქართველოს კანონმდებლობით გათვალისწინებულ სხვა შემთხვევებში.

13. ინსპექტირების პირობები

- 13.1. ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტის ხელმოწერაზე პასუხისმგებელ პირს შემსყიდველის მხრიდან წარმოადგენს შპს „საქართველოს აეროპორტების გაერთიანების“ ინფრასტრუქტურის განვითარების და ტექნიკური მომსახურების დეპარტამენტის უფროსის მოვალეობის შემსრულებელი - ვასილ კუნჭულია.
- 13.2. ხელშეკრულებით გათვალისწინებული პირობების შესრულების კონტროლსა და შესაბამისი დოკუმენტაციის მომზადებას განახორციელებს შესყიდვების და მონიტორინგის სამსახური.

14. ხელშეკრულების ვადა

- 14.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად და ჯეროვნად შესრულებამდე არაუგვიანეს 2025 წლის 31 მარტის ჩათვლით.

15. დავების გადაწყვეტა

- 15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;
- 15.2. მხარეთა შორის წარმოქმნილი ყველა დავა გადაწყდება ურთიერთშეთანხმების გზით;
- 15.3. თუ შეთანხმება ვერ მოხერხდება, დავა გადაწყდება სასამართლოს გზით, მოქმედი კანონმდებლობით დადგენილი წესით, თბილისის საქალაქო სასამართლოში.

16. დასკვნითი დებულებები

- 16.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე;
- 16.2. ხელშეკრულება შედგენილია ელექტრონულად და ინახება მხარეებთან.
- 16.3. ხელშეკრულების ერთვის დანართი - ფასების ცხრილი და ტექნიკური დავალება.

17. რეკვიზიტები

„შემსყიდველი“

შპს „საქართველოს აეროპორტების
გაერთიანება“


მისამართი: საქართველო, თბილისი, სამგორის
რაიონი, შალვა ჭანკოტაძის ხეივანი, N21

ს.კ. 404 389 693

საბანკო რეკვიზიტები: სს „თი ბი სი ბანკი“

ბანკის კოდი: TBCBGE22

ა/ა: GE47TB0615536070100001 GEL



კონსტანტინე ქათამაძე
გენერალური დირექტორის მ/შ

„მიმწოდებელი“

შპს „როსტვერკი“

მისამართი: საქართველო, ქ. წყალტუბო ტაბიძის
I შეს. #48;

ს.კ. 421 268 050

საბანკო რეკვიზიტები: სს „პროკრედიტ ბანკი“

ბანკის კოდი: MIBGGE22


ა/ა: GE55PC0013600100046949

ჯეირან ომანაძე
დირექტორი

ფასების ცხრილი

#	დასახელება	განზ. ერთეული	რაოდენობა	პრეისკურანტის ღირებულება (ლარი) ივსება მიმწოდებლის მიერ
1	2	3	4	6
1	ასაფრენი დასაფრენ ბილიკის ასფალტო-ბეტონის საფარის დაზიანებული ადგილების ფრეზირება სისქით 5 სმ	მ2	1	3.44
2	ასაფრენი დასაფრენ ბილიკის ასფალტო-ბეტონის საფარის დაზიანებული ადგილების ფრეზირება სისქით 8სმ	მ2	1.00	5.24
3	ასფალტო-ბეტონის საფარის ნარჩენების დატვირთვა ავტოთვითმცლელელებზე და გატანა ტერიტორიიდან 1-10 კმ მანძილზე	მ3	1.00	13.00
4	ქვეშ არსებული გრუნტის მოჭრა მექანიზმით	მ3	1.00	10.30
5	ბეტონის ფილის ქვეშ არსებული გრუნტის მოჭრა ხელით	მ3	1.00	41.59
6	მიწის დატვირთვა ავტოთვითმცლელელებზე და გატანა 10 კმ მანძილზე	ტ	1.00	8.00
7	ჯეოტექსტილის დაგება გრუნტზე	მ2	1.00	15.47
8	ქვიშა-ლორდის დაყრა და დატკეპნა	მ3	1.00	57.82
9	შემკვრელი მასალის (ბითუმის) მოსხმა სარეაბილიტაციო მონაკვეთებზე	მ2	1	2.20
10	ასაფრენი ბილიკის დაზიანებულ ადგილებში ასფალტო-ბეტონის საფარის მოწყობა საშუალო სისქ: 80მმ. პირველი და მეორე ფენა	მ2	1	48.47
11	ასაფრენი ბილიკის დაზიანებულ ადგილებში ასფალტო-ბეტონის საფარის მოწყობა საშუალო სისქ: 50მმ.	მ2	1	38.21
სულ ჯამი (დღგ-ს გარეშე, ლარში)				243.74

„შემსყიდველი“
შპს „საქართველოს აეროპორტების
გაერთიანება“


კონსტანტინე ქათამაძე
გენერალური დირექტორის მ/შ

„მიმწოდებელი“
შპს „როსტვერკი“

ჯეირან ომანაძე
დირექტორი

ტექნიკური დავალება

ქუთაისის დავით აღმაშენებლის სახელობის საერთაშორისო აეროპორტის ასაფრენ დასაფრენ ზოლის უსაფრთხო ექსპლუატაციისთვის საჭიროა ასაფრენ დასაფრენ ზოლს პერიოდულად ჩაუტარდეს სარემონტო სამუშაოები. სარემონტო სამუშაოები გულისხმობს დაზიანებულ მონაკვეთებზე ასფალტო-ბეტონის საფარის აფრეზვას და მისი ახალი ფენით შეცვლას. საჭიროების შემთხვევაში, ასაფრენ დასაფრენი ზოლის შეკეთებისას შესაძლოა საფარის ქვეშ არსებული ფუძის გამაგრებაც მოხდეს. დაზიანებული მონაკვეთი, რომლის შეკეთებაც ერთ ჯერზე იქნება საჭირო, შეიძლება იყოს მცირე მოცულობის, მაგრამ არანაკლებ 200 მ2.

გასათვალისწინებელია, რომ სამუშაოები იწარმოებს ექსპლუატირებულ აეროპორტში და შეკეთების დრო იქნება შეზღუდული ფრენებს შორის დროის მონაკვეთებით.

მიმწოდებელი მზად უნდა იყოს შპს „საქართველოს აეროპორტების გაერთიანების“ შეტყობინებიდან არაუგვიანეს სამი დღისა მოახდინოს მობილიზაცია და დაიწყოს სარემონტო სამუშაოები ასაფრენ დასაფრენ ზოლზე.

შენიშვნა: იმ შემთხვევაში თუ მიმწოდებლის მიერ დარღვეულ იქნება მობილიზაციისა და სარემონტო სამუშაოების დაწყების ვადა, აღნიშნული განიხილება, როგორც ვალდებულების შეუსრულებლობა და შემსყიდველი ორგანიზაცია იტოვებს უფლებას ხელშეკრულების ნებისმიერ ეტაპზე შეწყვიტოს ხელშეკრულება.


ამასთან სამუშაოების დაწყებამდე მიმწოდებელი ვალდებულია შპს „საქართველოს აეროპორტების გაერთიანების“ სათანადო სამსახურებთან გაიაროს და შეათანხმოს ასაფრენ დასაფრენ ზოლზე ჩასატარებელი სამუშაოების მოცულობა და შინაარსი.

სამუშაოს სპეციფიკიდან გამომდინარე შემსყიდველი არ იღებს ვალდებულებას სრულად აითვისოს სახელშეკრულებო ღირებულების ოდენობის მომსახურება მიმწოდებლისგან.

შესრულებული სამუშაოს წარმოდგენის დროს ზედნადები ხარჯების და გეგმური მოგების ზღვრული პროცენტული მაჩვენებელი უნდა განისაზღვროს შემდეგი აქტების შესაბამისად:

- ✓ „სამშენებლო სამუშაოების სახელმწიფო შესყიდვისას ზედნადები ხარჯების და გეგმური მოგების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2012 წლის 12 ივლისის N1-1/1463 ბრძანება;
- ✓ ტექნიკური რეგლამენტი - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის“ დამტკიცების შესახებ საქართველოს მთავრობის 2014 წლის 14 იანვრის №55 დადგენილება.

„შემსყიდველი“
შპს „საქართველოს აეროპორტების
გაერთიანება“


კონსტანტინე ქათამაძე
გენერალური დირექტორის მ/შ

„მიმწოდებელი“
შპს „როსტვერკი“


ჯეირან ომანაძე
დირექტორი